

ligatus dignitati, aut certo personarum generi: quis nouit per quem potissimum sit Deus veritatem patefacturus? cumq; non ullus suffragiorum spectadus sit numerus, sed tantum quid dicatur: tametsi ineptus fortè aliquis, aut simulata vir pietate admissus fuerit, obesse nō multum poterit: siquidem qualem eum sua expreſſerit oratio, talis habeatur.

Ac de doctrina quidem quibus' nam depravetur rationibus, & quibus cautionibus ad eā, quum pura ac sincera est, conseruandam vtedum sit, dictum est: deinceps vt morum soluatur disciplina, vtque quo minus id fiat, sit cauendum, sequitur vt dicamus.

*Quarti &
quinti libri
scopus.*

SATANÆ STRATA- GEMATVM

LIBER V.



Ontra legem qui cōmittunt, partim intelligunt illi quidem se delinquere: sed aut depravatæ naturæ quodam rapti impetu, quodammodo inuiti delinquunt: aut ruptis timoris habenis omnibus, legē parui faciunt: partim ita delinquunt, vt se contra legem facere aut non intelligant, aut non animaduertant.

*Quales con-
tra legem
delinquant.*

Ac non intelligere quidem dicendi sunt ij